

IBSA


Kitaabni kun ibsa gabaabaa amantii islaamumaa salphatti hubachuuf nama gargaarudha. Kitaabichi boqonnaa 3 of keysaa qaba.

Boqonnaa tokkoffaa, “ragaa dhuggummaa amantii islaamaa garsiisan of keysaa qaba,” kun gaafiillee murteysaa kan namoonni tokko tokko gaafataniif deebisaa kenna: fkn gaafii

Qur’aanni jecha Rabbiitii? Ykn Rabbiitu buusee? Muhammad ^ﷺ dhugumaan nabiyyii Rabbiin ergee? amantiin islaamaa dhugumaan amantii Rabbiin buusee?

Boqonnaa tokkoffaa kana keysatti, ragaa gosa jahaatu (6) dhihaate:

- 1) **Mu’ujizaa saayinsaawaa qur’aana keysa jirtu:** mata dureen kun argannoowwan dhihenyatti saayinsiin itti dhaqabe fi dhugaa qur’aana Keysatti jaarraa kudha 14 dura ubbataman if-keysaa qaba.
- 2) **Qoruumsa ykn ijibaata guddaa suuraa tokkittii tan akka qur’aanaa fiduu ykn tolchuu:** Rabbiin qur’aana keysatti boqonnaa tokko kan akka qur’aanaa yoo dandayan akka fidan gaafatuun qoruumsa ilma namaatiif kenne. Boqonnaa qur’aanaa keysaa inni xiqqaan jecha 10 qofa irraa kan ijaarame sura108^{ffaa} oggaa ta’u hanga arraa namni fiduu danda’e hin jiru.



- (1) **(^ﷺ)Barreyfamni kun barreeffama afaan arabaa kan bakka maqaan nabi Muhammad itti dhawammetti aane kan barreefamju oggaa ta’u hiiikkaan isaas, ‘nagayaafi rahmanni rabbii irratti haa jiraatu’ jechuudha.**

- 3) **Ergamuu nabi Muhammad ﷺ macaafa qulqulluu keysatti kan of dura himame:** as jalatti waa'ee nabi Muhammad ﷺ kan macaafa qulqullu keysatti dubbatame irratti mariyanna.
- 4) **Aayatoota qur'aanaa kan waa'ee fuul dura ta'an dubbatee fi kan ta'ee dabre:** qur'aanni waan fuul dura ni tahaa dubbatteraa, fkn: moohinsa roomaanoonni (warri dhihaa) mootummaa parshiyaa moo'atuufaa.
- 5) **Mu'ujizaawwan nabi Muhammadiin ﷺ hojjataman:** Raajii (mu'ujizaa) nabi Muhammed ﷺ hojjate fi tan namoonni argan ragaa bayan keysaa muraasa isaa as jalatti laalla.
- 6) **Jireenya salphaa nabi Muhammad:** kuni wanni agarsiisu nabi Muhammad qabeenya, olaantummaa fi angoo barbaadaf jecha nama sobaan nabiyyumma himate akka hin ta'in waan agarsiisu xiqqo as jalatti ilaalla.

Ragaalee jahan(6ⁿ) kanarra wanni hubachuu danddeenyu:

Qur'aanni jecha Rabbii, kan Rabbiin nuuf buuse tahuu isaati. Ammallee nabi Muhammad ﷺ Nabiiyyii dhugaa kan Rabbiin erge ta'uu isaaniifi akkasumas amantiin islaama amanti Rabbiin dhugaan buuse tahuu isiiti.

Amantii takka dhugaa fii soba ta'uu baruu yoo barbaanne, yaada, hamilee fi aadaa hawaasa keenya keysatti baramte irratti hundawuu hin qabnu. Xiinxala ragaa irratti hundaawen tahuu qaba. Rabbiin nabiyyoota oggaa ergu, Raajii (mu'ujizaa) fi ragaalee adda addaa akka isaan ergamtoota Rabbii ta'an nama amansiisuu danda'an isaanif kenna. Akkasitti ergamtoota Rabbii kanneen dhugaa ta'uun isaanii akkasiin beekkama.

Boqonnaan lammaffaa, “faaydaa tokko tokko kan islaamummaan, namaaf kennitu irraa dubbata, kanneen akka:

- 1) Hulaa jannata zalaalam (seenuu).
- 2) Ibibda jahannam jalaa najaa bahuu.
- 3) Gammachuu dhugaafi nageenya keysaa (argachuu)
- 4) Dili dabarte hundaaf araarama arkachuu.

Boqonnaan sadaffaa, “odeyfannoo walii-galaa wa'ee amanti islaamaa” hubannoo dogongoraa tokko tokko sirreysuun, gaafilee tokko tokoof deebisaa kenna. Kan akka. Amantiin islaamaa shoorarkeysummaan maal jatti? Amantii islaamaa keysatti dubartiin sadarkaa akkam qabdi?

